

Naalackersuisut danskit naalagaaffiannik kiisalu danskit soraarnerussutisiaqalernissamut aningaasaateqarfiinik Kalaallit Nunaannut aningaasaliisarfirmik aningaasaateqarfiliortoqarnissaa namminersorlutik oqartussanut soqutiginaateqarnera pillugu apeqquteqaat aallaavigalugu oqallinnissamik siunnersuut. Aningaasaateqarfiliortoqarnissap anguniangarivaa siunissami inuussutissarsiornikkut suliassanut, ilaatigut aatsitassarsiornikkut, takornariaqarnermut, aalisarnermut, ataqatigiinnermullu aaqquissuussinermi suliassanut avataaniik aningaasaliisalernissaq.

(Inatsisartunut ilaasortaq Justus Hansen, Demokraatit)

Akissuteqaat

(Inuussutissarsiornermut, Suliffeqarnermut, Niuernermut Nunanullu allanut Tunngasunut Naalackersuisoq)

Naalackersuisut sinnerlugit oqallinnissamut siunnersuummik hr. Justus Hanseni saqqummiussineranut qujassuteqarfigissavara.

Aningaasaliisartumik aningaasaateqarfiliornissamik pilersitsinissaq pillugu isuma Naalackersuisunut takornartaanngilluinnarpoq.

2015-mi februaarip qaammataani Danmarkimi Erhvervs- og Vækstministereqarfillu (Inuussutissarsiornermut Siuarsarnermullu Ministereqarfillu) suleqateqarluni Naalackersuisoqarfik akisussaaffigisara ataatsimoorussamik nalunaarusiamik tamanut saqqummiussaqqarpoq. Suliamut tassunga siunertaavoq Kalaallit Nunaata Danmarkillu peqatigiillutik inuussutissarsiornermut tunngatillugu periarfissat pitsaanerusementik iluaqutigineqarsinnaasut tikkuartorneqarnissaat.

Suliamut tassunga qulaajaaffigisassat ilagaat Kalaallit Nunaanni ineriartortitsinermut atatillugu – ilaatigut aatsitassarsiorniffimmik – danskit aningaasaliisarfiinik periarfissanik pitsaanerusementik atuisinnaaneq.

Nalunaarusiami sammineqartut pingaaruteqartut ilagaat Den danske Eksportkreditfondip (EKF-ip) aningaasaliisarnerani Kalaallit Nunaanni inuussutissarsiutinik suliniutinut annertunerusunut il.il. aningaasanik pissarsiniarnermut atorneqarsinnaalernissaa. Tamanna 2015-ip ingerlanerani malitseqartinneqqarumaarpoq.

Taamatuttaaq Vækstfonden Kalaallit Nunaanni aamma siuarsarnermut qularnaveeqqusiisnaaneremut pisinnaatinneqalerpoq. Aaqquissutaasumi aningaasaateqarfiup aningaasaliissutaasa tamarmiusut 15 %-it tikillugit aaqquissuussinermi qularnaveeqquserneqarsinnaapput.

Suliniutinut akuerisaasunut taarsigassarsianut Den europæiske fond for strategiske Investeringip taarsigassarsiisarnermut qularnaveeqqusiisarnerinut Kalaallit Nunaata ilanngunneqarsinnaanissaa maannakkut sulissutigineqarpoq. Tamatumunnga periarfissaasut qaammatalunnguit ingerlaneranni qulaajaaffigineqareersimanissaat naatsorsuutigineqarpoq. Aningaasaateqarfiup suliai Den Europæiske Investeringsbankip ataani ingerlanneqarput.

Aningaasaliisarfimmik aningaasaateqarfiliornissaq Danskit Naalagaaffiannit aamma danskit soraarnerussutisiaqalernissamut aningaasaateqarfiinit aningaasalerneqartumik pilersitsineq isumassarsiatsialaasinnaavoq. Aningaasaliisussatut taaneqartut soqutiginnissanersut – aammalu sunik piumasaqaateqarfigalugit – piffissami matumani ilisimatitsissutigineqanngillat. Naalagaaffimmi aamma suliffeqarfittut aningaasaliisartut pingaarutillit oqaloqatiguarneranni isummap ilaatinneqartuarnissaa Naalakkersuisut tulluartsutut isigaat.

Taamatut oqaaseqarlunga Inatsisartut oqallilluassasut kissaappakka.